

若得五欲，當願眾生，
ruò dé wǔ yù dāng yuàn zhòng shēng

拔除欲箭，究竟安隱。
bá chú yù jiàn jiù jìng ān wǎn

伎樂聚會，當願眾生，
jì yuè jù huì dāng yuàn zhòng shēng

以法自娛，了伎非實。
yǐ fǎ zì yú liǎo jì fēi shí

若在宮室，當願眾生，
ruò zài gōng shì dāng yuàn zhòng shēng

入於聖地，永除穢欲。
rù yú shèng dì yǒng chú huì yù

著瓔珞時，當願眾生，
zhuó yīng luò shí dāng yuàn zhòng shēng

捨諸偽飾，到真實處。
shě zhū wèi shì dào zhēn shí chù

上昇樓閣，當願眾生，
shàng shēng lóu gé dāng yuàn zhòng shēng

昇正法樓，徹見一切。
shēng zhèng fǎ lóu chè jiàn yí qiè

若有所施，當願眾生，
ruò yǒu suǒ shī dāng yuàn zhòng shēng

一切能捨，心無愛著。
yí qiè néng shě xīn wú ài zhuó